



## Sud Bosne i Hercegovine

## Суд Босне и Херцеговине

Broj: Su-08-324/20

Datum: 24.11.2020. godine

Na osnovu člana 64. stav (1) tačka b) najniža cijena, člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine ("Službeni glasnik BiH", broj: 82/05) na preporuku Stalne komisije za javne nabavke Suda Bosne i Hercegovine broj: Su-08-323/20 od 24.11.2020. godine u otvorenom postupku javne nabavke računarske opreme i opreme za prenos podataka za **LOT 1 Računar** – JRJN 30213300-8, donosim

**ODLUKU**

o izboru drugorangiranog ponuđača za nabavku računarske opreme i opreme za prenos podataka za **LOT 1 - Računar**

**član 1.**

Stavlja se van snage Odluka o izboru najpovoljnijeg ponuđača za nabavku računarske opreme i opreme za prenos podataka za **LOT 1 - Računar** broj: Su-08-251/20 od 28.10.2020. godine kojom je izabran ponuđač „**DIGITARIJA**“ d.o.o. Sarajevo, sa sjedištem na adresi Zmaja od Bosne 14C, po ponudi ovog ponuđača broj: 0221/20 od 30.09.2020. godine za ponuđenu cijenu nakon sprovedene e-aukcije od **16.100,00 KM** bez PDVa.

Prihvata se preporuka komisije za javne nabavke broj: Su-08-323/20 od 24.11.2020. godine o izboru drugorangiranog ponuđača "**ALF-OM**" d.o.o. Banja Luka kao drugom najbolje ocijenjenom ponuđaču sa sjedištem na adresi Vojvode Radomira Putnika 38 I. Sarajevo, po ponudi broj: 36/20 od 29.09.2020. godine i nakon sprovedene e-aukcije za ponuđenu cijenu od **16.200,00 KM** bez PDV-a.

**član 2.**

Prijedlog ugovora za nabavku računarske opreme i opreme za prenos podataka za **LOT 1 - Računar** dostavit će se na potpis novoizabranom ponuđaču "**ALF-OM**" d.o.o. Banja Luka po isteku roka od 15 dana računajući od dana kada su svi ponuđači obavješteni o izboru najpovoljnije ponude.

**član 3.**

Izabrani ponuđač je dužan da u roku od 5 dana od dana zaprimanja obavještenja o rezultatima ovog postupka javne nabavke, dostavi dokaze o ispunjavanju uslova lične sposobnosti prema članu 45. stav 1. kako je zahtjevano tenderskom dokumentacijom za predmetni postupak javne nabavke.

#### Član 4.

Ova odluka objavljuje se na internetskoj stranici Suda Bosne i Hercegovine i stupa na snagu danom donošenja te se dostavlja svim ponuđačima koji su učestvovali u postupku javne nabavke u skladu sa članom 70. Stav 6. Zakona o javnim nabavkama.

#### član 5.

Za realizaciju ove odluke zadužuje se Komisija za javne nabavke.

#### Obrazloženje

Postupak javne nabavke pokrenut je Odlukom o pokretanju postupka nabavke opreme po lotovima broj: Su-08-178/20 od 24.08.2020. godine. Javna nabavka je provedena putem otvorenog postupka za dostavu ponuda broj: Su-08-192/20, a procijenjena vrijednost javne nabavke računarske opreme i opreme za prenos podataka za LOT 1– Računar je 19.200,00 KM bez PDV-a. Obavještenje o nabavci objavljeno je na portalu javnih nabavki pod brojem 243-1-1-36-3-18/20 od 03.09.2020. godine zajedno sa tenderskom dokumentacijom. Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke računarske opreme i opreme za prenos podataka za LOT 1 – Računar. Komisija je blagovremeno i pravilno izvršila javno otvaranje ponuda dana 01.10.2020. godine i sačinila Zapisnik sa otvaranja ponuda koji je proslijeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće: da je blagovremeno pristiglo ukupno sedam (7) ponuda (ALF-OM d.o.o., ELUR d.o.o., ROBERT'S PLUS d.o.o., TIME CODE d.o.o., DIGITARIJA d.o.o., REBUS d.o.o., KODEKS d.o.o.), da nije bilo neblagovremeno zaprimljenih ponuda; da su ponude ponuđača ALF-OM d.o.o., ELUR d.o.o., ROBERT'S PLUS d.o.o., DIGITARIJA d.o.o., REBUS d.o.o. i KODEKS d.o.o. ocijenjene prihvatljivim u skladu sa tenderskom dokumentacijom dok je ponuda ponuđača TIME CODE d.o.o. ocijenjena neprihvatljiva jer ponuđač u ponudi nije dostavio propisno popunjen nacrt ugovora (ponuđač je nacrt ugovora popunio na način da nije unio sve bitne elemente ugovora u skladu sa formom koja je data u Aneksu 5 Tenderske dokumentacije, te zahtjevima definiranim tačkom 27. Tenderske dokumentacije). Za ovaj postupak je predviđena e-aukcija. Sve prihvatljive ponude (ALF-OM d.o.o., ELUR d.o.o., ROBERT'S PLUS d.o.o., DIGITARIJA d.o.o., REBUS d.o.o. i KODEKS d.o.o.), su unesene na web portal javnih nabavki BiH "e-nabavke", e-aukcija je zakazana dana 16.10.2020. godine, a održana dana 19.10.2020. godine sa početkom u 10.00 sati i završetkom u 10.30 sati. U toku e-aukcije došlo je do podnošenja novih ponuda. Nakon završetka e-aukcije sa web portala javnih nabavki BiH "e-nabavke" kreiran je izvještaj o toku i završetku e-aukcije (početna i konačna rang lista) prispjelih ponuda u kojem je utvrđeno da je prvorangirana ponuda ponuđača "DIGITARIJA" d.o.o. Sarajevo sa cijenom od 16.100,00 KM bez PDV-a, drugorangirana je ponuda ponuđača "ALF-OM" d.o.o. Banja Luka sa cijenom od 16.200,00 KM bez PDV-a, trećerangirana je ponuda ponuđača "ROBERT'S PLUS" d.o.o. Sarajevo sa cijenom od 16.600,00 KM bez PDV-a, četvrtorangirana je ponuda ponuđača "KODEKS" d.o.o. Sarajevo sa cijenom od 18.600,00 KM bez PDV-a i petorangirane su ponude ponuđača "ELUR" d.o.o. Kiseljak i "REBUS" d.o.o. Sarajevo sa istom ponuđenom cijenom od 19.200,00 KM bez PDV-a. U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH,

podzakonskim aktima, internim aktima i tenderskom dokumentacijom. Nakon okončanja e-aukcije nesporno je da je prvorangirani ponuđač "DIGITARIJA" d.o.o. Sarajevo izabran primjenjujući kriterij najniže cijene koja je ponuđena u iznosu od 16.100,00 KM bez PDV-a te je u skladu sa nevedenim donesena Odluka o izboru najpovoljnijeg ponuđača za nabavku računarske opreme i opreme za prenos podataka za LOT 1 - Računar broj: Su-08-251/20 od 28.10.2020. godine kojom je izabran ponuđač „DIGITARIJA“ d.o.o. Sarajevo.

Izabranom ponuđaču kao i drugorangiranom ponuđaču "ALF-OM" d.o.o. Banja Luka, i svim ostalim ponuđačima u postupku upućeno je obavještenje o odluci broj: Su-08-274/20 zajedno sa odlukom o izboru ponuđača broj: Su-08-251/20 za predmetni postupak dana 28.10.2020. godine.

Izabrani ponuđač "DIGITARIJA" d.o.o. Sarajevo je bio u obavezi da dostavi dokaze o o ispunjavanju uslova lične sposobnosti prema članu 45. Zakona o javnim nabavkama u roku od 5 dana od dana prijema obavještenja, a uvidom u dostavnicu je utvrđeno da je isti obavještenje o odluci zaprimio poštom dana 30.10.2020. godine.

Ponuđač "DIGITARIJA" d.o.o. Sarajevo je dana 06.11.2020. godine poslao putem e-maila dopis u kojem komisiju za javne nabavke suda obavještava da usljed više sile (pandemije Corona virusa) neće moći izvršiti realizaciju isporuke robe u predviđenom roku za LOT 1 – Računar, a nakon obavljenog sastanka na sudu sa članovima komisije za javne nabavke, ponuđač "DIGITARIJA" d.o.o. Sarajevo je dana 23.11.2020. godine uputio dopis u kojem sud obavještava da odustaje od realizacije odluke po izboru za LOT 1 - Računar i da ugovor dodijelimo drugom ponuđaču.

Po primitku obavještenja, komisija za javne nabavke se sastala dana 24.11.2020. godine i konstatovala da se izabranom ponuđaču "DIGITARIJA" d.o.o. Sarajevo ne može dodijeliti ugovor te predlaže da se ugovor dodijeli drugorangiranom ponuđaču prema članu 72. stav (3) tačka c) Zakona o javnim nabavkama.


Pregledom zapisnika o ocjeni ponuda i izvještaja o završenoj e-aukciji utvrđeno je da je drugorangirani ponuđač "ALF-OM" d.o.o. Banja Luka sa cijenom od 16.200,00 KM bez PDV-a pa je komisija za javne nabavke dala preporuku da se isti izabere kao drugorangirani najpovoljniji ponuđač.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor drugorangiranog ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. Nakon okončanja e-aukcije nesporno je da je drugorangirani ponuđač "ALF-OM" d.o.o. Banja Luka izabran primjenjujući kriterij najniže cijene koja je ponuđena u iznosu 16.200,00 KM bez PDV-a.

Iz navedenih razloga, primjenom člana 64. stav (1) tačka b) i člana 72. stav (3) tačka c) Zakona o javnim nabavkama odlučeno je kao u dispozitivu.

#### POUKA O PRAVNOM LIJEKU:

Protiv ove odluke može se izjaviti žalba, najkasnije u roku od deset (10) dana od prijema ove odluke.



**PREDSJEDNIK SUDA**  
**Ranko Debevec**